

摘藻堂四庫全書薈要

集部

欽定四庫全書薈要

集部

宋詩鈔卷六十三

詳校官候選知縣臣吳甸華



欽定四庫全書薈要卷二萬三百十六集部

宋詩鈔卷六十三

內閣中書舍人吳之振編

范成大石湖詩鈔下

元日

老來百味絮沾泥期會關身尚火馳
幾夜鄉心歎枕處今年脚力上樓時
酒缸幸有乾坤大丹鼎何憂日月遲
莫道神仙無可學學仙猶勝簿書癡

體中不佳偶書

生平人比似維摩試比尪孱不啻過舊摘衰髯今雪徧
頻揩病眼轉花多從來世味聊復爾此去官身如老何
收拾頽齡加藥餌尚堪風月對婆婆

坐嘯齋書懷

老來窮苦事相違兀坐鈴齋竟日癡眼目昏緣多押字
胸襟俗為少吟詩月侵燈影吏方去春過梅梢官未知
直待食新方紱帶明朝馬騎問陵陂

致一齋述事

文書煙海困浮沉不覺盤跚百病侵
偶問客年驚我老忽聞鶯語嘆春深
今朝麥粒黃堪麩幾日秧田綠似針
除卻一犁春雨足眼前無物可關心

曉起信筆

午枕汗如洗曉櫛氣稍蘇
莎蛩試風露滿意鳴相呼
倦客感節物流光不躑躅
秋聲已如許殘暑何足驅
人言今歲熱迫與常歲殊
此理恐未然豈不知頭顱
年年有

三伏日日非故吾婆婆今尚可後當彌不如病骨須一
涼未暇惜居諸坐來有清思西風搖井梧

重九賞心亭登高

憶隨書劍此徘徊投老雙旌重把杯綠鬢風前無幾在
黃花雨後不多開豐年江隴青黃徧落日淮山紫翠來
飲罷此身猶是客鄉心却附晚潮回

春晚

荒園蕭瑟懶追隨舞燕啼鶯各自私窓下日長多得睡

樽前花老不供詩
吾衰久矣雙鬢歸
去來分一釣絲
想見籬東春漲動
小舟無伴柳絲垂

重九獨坐玉麟堂

江上西風動所思
又將清賞負東籬
年年客路黃花酒
日日鄉心白鴈詩
籠月秦淮無舊曲
馳煙鍾阜有新移
人生笑口真稀濶
沉值官忙閔雨時

公退書懷

昨者騰章奏發倉
今茲飛檄議驅蝗
四無告者僅一飽

七不堪中仍百忙
曠日自能臨俯仰
浮雲寧解制行藏
求田問舍亦何有
歲晚倦遊思故鄉

癸卯除夜聊復爾齋偶題

五夜燈花重東風
角韻來雪慳衣未
繡春作句多梅寂
歷羅門亞溫磨藥
鼎煨老嫌新歲換
病喜舊星回鬱壘
先題板屠蘇後把
杯書扉無健筆爆
竹有寒灰餽樛牙
難膠叔盤眼倦開
陳人仍憊卧身世
兩悠哉

甲辰人日病中吟六言六首以自嘲

攢眉輒作山字啾耳惟聞水聲人應見憐久病我偏自
厭餘生

目慌慌蟻旋磨頭岑岑鼈負山筆床久已均伏藥鼎何
時丐閒

政爾榮枯衛蒞剛云人厄天窮歸咎四衝臨歲乞將九
曜過宮

復吉既愆七日泰來惟俟三陽歷日今頒寅正占星更
候農祥

有日猶嫌開牖無風不敢下簾報國丹心何似夢中抵
掌掀髯

壯歲喜新節物老來惜舊年華病後都盧不問家人時
換瓶花

上元紀吳下節物排諧體三十二韻

斗野豐年屢吳臺樂事并酒壚先疊鼓

歲後即旗亭先擊鼓不已以迎

節意燈市蚤投瓊

臘月即有燈市珍奇者數人釀買之相與呼盧采勝者得燈

價喜膏

油賤祥占雨雪晴篔簹仙子洞

坊巷燈以連枝竹縛成洞門多處數十里

齒

蓄化人城

蓮花燈最多

檣炬疑龍見

舟人接竹危檣之表

橋

星訝鵲成

橋燈

小家厖獨踞

犬燈

高閑鹿雙撐

鹿燈

屏展輝雲

母

琉璃屏風

簾垂晃水精

琉璃簾

萬窓花眼密

萬眼燈以碎羅紅白相間砌成

工夫妙天下多至萬眼

千隙玉虹明

琉璃毬燈每一隙映成一花亦妙天下

蔭蔔丹

房桂

梳子燈

葡萄綠蔓縈

葡萄燈

方縑繙史冊

生絹糊方燈畫史冊故事

圖人喜聚看

圓魄綴門衡

月燈

擲燭騰空穩

小毬燈時擲空中

推毬袞

地輕

映光魚隱見

琉璃壺瓶貯水養魚以燈映之

轉影騎縱橫

馬騎

燈輕薄行歌過顛狂社舞呈

民間鼓樂謂之社火不可悉記大抵以滑稽取笑

村田簑笠野

村田樂

街市管絃清

街市細樂

里巷分題句

每里門作

花燈題好句其上

官曹別扁名

官府名額多以絹或琉璃映照

旱船遙似泛

夾道

陸行為號渡之樂謂之划旱船

水傀儡近如生

水戲照燈

鉗赭裝牢戶

獄燈嘲

唾繪樂棚

山棚多畫一時可嘲誦之人

堵觀瑤席隘喝道綺叢爭禁

鑰通三鼓歸鞭任五更桑蠶春繭勸

春繭自臘月即入食次所以為蠶事

之北花蝶夜蛾迎

大白蛾花無貴賤悉藏之亦以迎春物也

見子描丹筆

紅畫鴨子

相餽遺

鷺毛剪雪英

剪鷺毛為雪花與夜蛾並藏

寶糖珍粬救

鎮指吳人謂之

寶糖粬特為脆美

烏膩美飴餉

烏膩糖即白餉俗言能去烏膩

撚粉團藥意

糰子

熬稭膈膊聲

炒糯穀以卜俗名字
妻北人號糯米花

筵筭巫志恠香火婢

輸誠

俗謂正月百草靈故帚
葦針箕之屬皆卜焉

筭卜拖裙驗

故帚繫
裙以卜

箕詩

落筆驚

即古紫姑今
謂之大仙

微如針屬尾

以針姑卜伺其尾
相屬為兆名針姑

賤

及葦分莖

葦莖分合為
卜名葦姑

末俗難訶止佳辰且放行此時

紛僕馬有客靜柴荆幸甚歸長缺居然照短檠生涯惟

病骨節物尚鄉情倚據成排體咨詢遠里甯誰修吳地

志聊以助譏評

曉枕三首

煮湯聽成萬籟添被知是五更陸續滿城鐘動須臾後
巷鷄鳴

卧聞赤脚鼾息樂哉栩栩遽遽病夫心口相語何日佳
眠似渠

舒慘常隨天氣關心窓暗窻明日晏扶頭未起喚人先
問陰晴

喜雨

昨遣長鬚借踏車小池須水引鳴蛙今朝一雨添新漲

便合翻泥種藕花

風止

收盡狂飈卷盡雲
一竿晴日曉光新
柳魂花魄都無恙
依舊商量作好春

重午

慰斗熏籠分夏衣
翁身獨比去年衰
已孤菖蒲十分勸
却要艾黃千壯醫
蜜粽冰糰為誰好
丹符綵索聊自欺
小兒造物亦難料
藥裏有時生網絲

積雨作寒五首

壓屋雨雲晝暗環城霖潦夏寒西池半沒荷柄南蕩平
沈芡盤

已報舟浮登岸更憐橋踏平池養成蛙吹無謂掃盡蚊
雷却奇

熨貼重尋毳衲補苴盡護紙窓餘生雪髻禪榻昨夢雲
帆漲江

婢喜蚊僵霧帳兒嗔蝸篆風櫺兀坐鼻端正白忘懷眼

底常青

山寒禪老不下沉滑琴僧罕來且喚園丁間話喜聞湖
岸未頽

題請息齋六言十首

洞口晝挂鐵鎖閣道秋生綠苔著下畧同龜伏瓜中且
免蠅來

多謝紛紛雲雨相忘渺渺江湖坐隅但忌占鵬屋上何
煩譽烏

灑灑年年如馬犬行日日推車笑中恐有義府泣裏難
防叔魚

見影蛾猶鈇鈇聞聲屨尚信信問誰毛生名紙知我角
出車輪

不惜人扶難拜非關我醉欲眠勞君敬枯木耳恐汝見
濕灰焉

稅駕今吾將老結廬此地不喧恐妨蝴蝶同夢笑倩顏
當守門

口邊一任醜去鼻孔慵將涕收閨門冷落車轍空室團
樂話頭

冷暖舊雨今雨是非一波萬波壁下禪枯達磨室中病
者維摩

親戚自有情話來往都無雜言酒熱竟須相報文成聊
與細論

園丁以時白事山客終日相陪竹比平安報到花依次
第折來

富順楊商卿使君鄉與余相別于瀘之合江渺然
再會之期後九年乃訪余吳門則喜可知也今
復分袂更增惘然病中強書數語送之

合江縣下初語離共說再會知何時壽櫟堂前哄一笑
人生聚散真難料青燈話舊語未終船頭疊鼓帆爭風
草草相逢復相送直恐送迎皆夢中昨聞親上安邊奏
玉陛從容移禁漏天香懷袖左魚符歸作雙親千歲壽
我今老病塘蒲衰君歸報政還復來萬里倘容明月共

更期後夢如今夢

初秋間記園池草木五首

莢葵爛紫終陋蔭
葡萄黃亦香醫俗
賸延竹色療愁催
折萱房

牛牽碧蔓自統鷄
聳朱冠欲爭菱葩
可範伯雅蓼節偏
宜麴生

旱地蓮花嬌小水
盆梔子幽芳薇帳
半年春艷桂叢四
季秋香

醉憐金盞齊側卧看玉簪對橫腥水留灌茉莉結香旋
薰素馨

玉蕊化生稚子碧枝視現聲聞馬齒任藏汞冷鴻頭自
勝硫溫

巖桂三首

風簾疎爽月徘徊悵望家人把酒杯病著幽牕知幾日
瓶花兩見木樨開

越城芳徑手親栽紅淺黃深次第開不用小山招隱賦

身如強健日千迴

一枝蕭索倚宣華東苑香風屬內家丹碧屠蘇銀燭照

平生竒絕象山花

少城圃中惟有一株四明月桂特竒

藻侄比課五言詩已有意趣老懷甚喜因吟病中

十二首示之可率昆季賡和勝終日飽閒也

舊歲連新歲涼床又暖牀山川屏裏畫時刻篆中香畏
壘安吾土支離飽太倉若教身更健鶴背入維揚

認鹿紛紛縵夢亡羊散亂心眇昏遮眼讀愁苦撚髭吟幸

覺行迷遠其如卧病深速將新餌下何用覓砭針

日暖衣猶襲宵長被有稜朝晡三椀飯昏曉一缸燈伴
坐跏如几扶行瘦比藤生緣堪入畫寂寞憇松僧

繩朽扶朽骨蒲團閣悴膚事疑償業債形類窘囚拘空
劫真常體浮生幻化軀箇中元不二無語對文殊

軟熟羞盤饌芳辛實枕幃候晴先曬席占濕預烘衣易
粟鷄皮皺難培鶴骨肥頭顱雖若此虛白自生輝

數息增晨清伸眉愜晚晴隙塵浮日影窓穴嘯風聲捫

蟲天機動驅蚊我相生偶然成一笑栩栩暫身輕
貴仕龜鑽筴間居馬脫鞵冠塵昏舊製帶眼剩新圍堆
案書郵少登門刺字稀掩關灰木坐休示季咸機

目青浮珠珮聲塵籟玉簫秋懷潘髻禿午夢楚魂銷注
水瓶花醒吹薪鼎藥潮南柯何處是斜日上廊腰
靜裏秋先到間中晝自長門闌終泄柳尸祝漫庚桑腹
已朽經筭身猶試藥方強名今日愈勃宰負東墻

汗漬筇枝赤苔封屐齒青有醫延上坐無客抗分廷霽

月鑽窓看鳴禽側枕聽莫嗔猿鶴怨岫幌兩年局
視絮勞羣從祇承愧闔家乳泉供水遞金液養丹芽嘉
釀厚如酪旋春香勝花百端扶老憊無物報投瓜
學業荒呻畢歡棕隔笑鹽入秋先複幕過夏亦踈簾門
客嗔愁思家人獻吉占尤憐小兒女時報鵲鳴簷

灼艾

血忌詳涓日尻神謹避方艾求真伏道穴按古明堂謝
去羣巫祝勝如幾藥湯起來成獨笑一病攪干忙

白髭行

四十踰四髭始黃手持漢節臨大荒與疾歸來皮骨在
兩髻尚作青絲光俯仰行年四十九萬里南馳復西走
班班頷下點吳霜猶可艾夷誑賓友屈指如今又十年
兩年憊卧秋風前人生血氣能幾許不待覽鏡知皤然
長安後輩輕前輩百方染藥千金賣煩擱包裹夜不眠
無奈露頭出光怪病翁高卧門長扃垂雪髭髭骨更青
兒童不作居士喚喚作堂中老壽星

甲辰除夜吟

一年三百六十日日日三椽卧衰疾傍人挪揄還嘆咨
問我如何度四時我言平生老行李蓐食趁程中夜起
當時想像閉門間弱水迢迢三萬里如今因病得踈慵
脚底關山如夢中重簾複幕白晝靜戶外車馬從西東
若問四時何以度念定更無新與故瓶花開落紀春冬
窓紙昏明認朝暮行年六十是明朝不暇自憐聊自嘲
婪尾三杯餽一椽從今身健齒牙牢

元夕二首

藥鑪湯鼎煮孤燈
禪版蒲團老病僧
兒女強修元夕供
玉蛾先避雪鬢鬢

落梅穠李趁時新
枯木崖邊一任春
尚愛鄉音醒病耳
隔牆時有賣錫人

請息齋書事三首

覆雨翻雲轉手成
紛紛輕薄可憐生
天無寒暑無時令
人不炎涼不世情
栩栩算來俱蝶夢
啾啾能有幾鷄鳴

冰山側畔紅塵漲不隔瑤臺月露清

刻木牽絲罷戲場祭終雨後兩相忘門雖有雀尚廷尉
食已無魚休孟嘗蝨裏趨時真是賊虎中宣力任為俵
籬東舍北誰情話鷄語鷗盟意却長

聚蚋醯邊鬧似雷乞兒爭背向寒灰長平失勢見何晚
栗里息交歸去來休問江湖魚有沫但蘄雲水鶴無媒
巖扉岫幌牢扃鑰不是漁樵不與開

送文季高倅興元

素衣京洛悵成緇青鬢吳江喜未絲燭暗不眠談舊事
酒闌作惡問行期琴書情話須親戚風雨殘春更別離
屈指歸來重一笑掃除門巷著旌麾

家人子輩往石湖檢校暮歸

南浦回春棹東城揜暮扉兒修鷄柵了女挈菜籃歸風
力雖欺酒花香尚染衣衰翁牢守舍腸斷釣魚磯

次韻龔養正中秋無月三首

詞客幕天清露下老翁卧病破窓中高吟大醉輸公等

不見嫦娥與我同

去年怪雨無端甚
今歲癡雲亦復然
減却新詩酸却酒
乘除添得一更眠

丙夜清光些子見
兒童驚喜強雄夸
闌珊高興應無幾
恰似春殘看落花

殊不惡齊春晚間吟五絕

西風入簾圖畫響
斜照穿隙網絲明
簷間雙雀有時鬪
壁下一蛩終日鳴

旁若無人鼠飲硯麾之不去
蠅登盤天涼睡起枕痕暖
日晚慵來香字寒

就食遷居蟻墳壤隨風作舍
蛛裛絲百年何處用三窟
萬事信緣安一枝

市聲洶洶鼓摧陣日影駸駸
潮漲痕消磨意氣默數息
把玩光陰牢閉門

中秋昨已等閒過重九今還
如夢來霜鬢數莖羞墮帽
黃花三度笑空杯

丙午新正書懷十首

不用桃符貼畫鷄身心安處是天倪
行年六十舊歷日汗脚尺三新杖藜
祝我賸周花甲子謝人深勸玉東西
春風若借筋骸便先渡南村學灌畦

瘦骨難勝過節衣日高催起趁農炊
病憐榔栗隨身慣老覺屠蘇到手遲
一飽但蘄庾癸諾百年甘守甲辰雌
莫言此外都無事柳眼梅梢正索詩

煮茗燒香了歲時靜中光景笑中嬉
身間一日似兩日

春淺南枝如北枝
朝鏡畧無功業到
午窓惟有睡魔知
年來併束牀頭易
一任平章濟叔癡

窮巷間門本闕然
強將爆竹聒階前
人情舊雨非今雨
老境增年是減年
口不兩匙休足穀
生能幾履莫言錢

掃除一室空
諸有龐老家
人總解禪

吳諺云一口不能著兩匙

厲風翻海雪漫天
百計逃寒息萬緣
穩作披氈如卧炕
厚裁綿旋勝披氈
尊前見在普騰醉
飯後無何爛熯眠

斟酌出門高興盡
從教閒却剡溪船

披氈綿旋皆新得法

俗情如絮已泥沾因病偷閒意屬厭鵬鷄相安無可笑
熊魚自古不容兼反埋棺拙多時暖雪壓蔓菁滿意甜
溫飽閉門吾事辦異時書判指如籤

炭熟香濃石鼎煨人言小閣是春臺蕉心翠展一冬在
梅齒粉融連夜開肅肅九冰妨發育溫溫三火護恢台
養生此外無遺說梨棗元須趁暖栽

水芭蕉經
冬不瘁

經過掃軌但幽栖巢穩林深寄一枝栗里歸來窓下卧
香山老去病中詩東風馬耳塵勞後半夜鷄聲睡熟時

俛仰平生盡陳迹恰如臍膊幾枰棋

窓明窓暗篆煙翻珍重晨光與夕暉東院齋鐘披被坐
南城嚴鼓岸巾歸幾人霜滑騎朝馬何處燈殘織曉機

懶裏若承三昧力始知忙裏事俱非

叙早眠
晏起

殊方節物記吾曾海北天西一瘦藤烏攬鷄檳嘗老酒
酥花芋葉試新橙瘴雲度嶺濃如墨邊雪窺窓冷欲冰
閒展兩鄉圖畫看卧遊何必減深燈

此篇記桂林成都
元日勝事檳攬皆

椒盤中物老酒
十數年不壞者

丙午新年六十一歲俗謂之元命作詩自賦

歲復當生次星臨本命辰四人同丙午初度再庶寅長
狄名猶記沙隨會若新童心仍竹馬暮境忽蒲輪鏡裏
全成老尊前畧似春三年歸汶上千日卧漳濱剛長交
新泰陰消脫舊屯網蛛縈藥裏竇犬吠醫人窓下烏皮
几田間紫領巾鯢淵方止水鯢海任揚塵波匿觀河見
維摩示病身顰端還一笑默識幼中真

文潞公詩云四
人二百四十歲

况是同生丙午
年僕用此事也

春來風雨無一日好晴因賦瓶花二絕

滿插瓶花罷出遊莫將攀折為花愁不知燭照香薰看
何似風吹雨打休

酒冷花寒無好懷柴荆終日為誰開三分春色三分雨
拚似東風本不來

春晚即事留游子明王仲顯

繡地紅千點平橋綠一篙練花來石首穀雨熟櫻桃笑
我生塵甑慙君有意袍故人能少駐門徑久蓬蒿

梅雨五絕

梅雨暫收斜照明去年無此一日晴
忽思城東黃篾舫
卧聽打鼓踏車聲

乙酉甲申雷雨驚乘除却賀芒種晴
插秧先插早秈稻

小恧數旬蒸米成

甲申乙酉
雨則大水

風聲不多雨聲多
洶洶曉衾聞浪波
恰似秋眠隱靜寺
玉霄泉從床下過

千山雲深甲子雨十日地濕東南風
靜裏壺天人不到

火輪飛出默存中

雨霖雲間池面光
三年魚苗如許長
小荷拳拳可包鮓
晚日照盤風露香

次韻李永見訪二首

混俗休超俗
居家似出家
有為皆影事
無念即生涯
莫覓安心法
翻成捏目花
作糜須穀粟
千劫漫炊砂

有意能停棹
多情易憶家
清詩穿月脇
遠夢繞天涯
雨蝶衣濡粉
秋蚊喙吐花
新涼宜小駐
談笑有丹砂

自詠瘦悴

皮下無多肉老來瘦不禁骨稜春焙銛筋感海山沈蟣
蟲從何有蚊蠅枉見侵惟餘老筇杖相伴兩虛心

四時田園雜興六十首

并引

淳熙丙午沉疴少紓復至石湖舊隱野外即事輒書
一絕終歲得六十首號四時田園雜興

柳花深巷午鷄聲桑葉尖新綠未成坐睡覺來無一事
滿窓晴日看蠶生

土膏欲動雨頻催
萬草千花一餉開
舍後荒畦猶綠秀
鄰家鞭筍過牆來

高田二麥接山青
傍水低田綠未耕
桃李滿村春似錦
踏歌椎鼓過清明

老盆新熟杜茅柴
攜向田頭祭社來
巫媪莫嫌滋味薄
旗亭官酒更多灰

社下燒錢鼓似雷
日斜扶得醉翁回
青枝滿地花狼籍
知是兒孫鬪草來

騎吹東西里巷喧行春車馬鬧如烟繫牛莫礙門前路
移繫門西碌碡邊

寒食花枝插滿頭倩裙青袂幾扁舟一年一度遊山寺
不上靈巖即虎丘

郭裏人家拜掃回新開醪酒薦青梅日長路好城門近
借我茅亭暖一杯

步屨尋春有好懷雨餘蹄道水如杯隨人黃犬攬前去
走到溪橋忽自迴

種園得果屢償勞不奈兒童烏雀搔已插棘針樊筍徑
更鋪漁網蓋櫻桃

吉日初開種稻包南山雷動雨連宵今年不欠秧田水
新漲看看拍小橋

桑下春蔬綠滿畦松心青嫩芥臺肥溪頭洗擇店頭賣
日暮裹鹽沽酒歸

右春日田園雜興十二絕

紫青蓴葉卷荷香玉雪芹芽扳薤長自擷溪毛充晚供

短篷風雨宿橫塘

湖蓮舊蕩藕新翻
小小荷錢沒漲痕
斟酌梅天風浪緊
更從水外種蘆根

蝴蝶雙雙入菜花
日長無客到田家
鷄飛過籬犬吠竇
知是行商來賣茶

湔袞水滿綠蘋洲
上巳微寒嬾出游
薄暮蛙聲連曉鬧

今年田稻十分秋

上巳蛙
鳴無水

新綠園林曉氣涼
晨炊早出看移秧
百花飄盡桑麻小

夾路風來阿魏香

三旬蠶忌閉門中鄰曲都無步往蹤猶是曉晴風露下
采桑時節暫相逢

汙萊一稜水周圍歲歲蝸廬沒半扉不看菱青難護岸
小舟撐取葑田歸

茅針香軟漸包茸蓬櫚甘酸半染紅采采歸來兒女笑
杖頭高挂小筠籠

穀雨如絲復似塵煮瓶浮蠟正嘗新牡丹破萼櫻桃熟

未許飛花減却春

雨後山家起較遲
天窓新色半熹微
老翁歌枕聽鶯囀
童子開門放燕飛

海雨江風浪作堆
時新魚菜逐春回
荻芽抽筍河魴上
棟子開花石首來

烏鳥投林過客稀
前山煙暝到柴扉
小童一棹舟如葉
獨自編欄鴨陣歸

右晚春田園雜興十二絕

梅子金黃杏子肥
麥花雪白菜花稀
日長籬落無人過
惟有蜻蜓蛺蝶飛

五月吳江麥秀寒
移秧披絮尚衣單
稻根科斗行如塊
田水今年一尺寬

二麥俱收斗百錢
田家喚作小豐年
餅爐飯甑無饑色
接到西風熟稻天

百沸綠湯雪湧波
綠車嘈噴雨鳴簑
桑姑盆手交相賀
綿繭無多線繭多

小婦連宵上絹機大耆催稅急于飛今年幸甚蠶桑熟
留得黃絲織夏衣

下田肩水出江流高壠翻江逆上溝地勢不齊人力盡
丁男長在踏車頭

晝出耘田夜績麻村莊兒女各當家兒童未解供耕織
也傍桑陰學種瓜

槐葉初勻日氣涼葱葱鼠耳翠成雙三公只得三株看
間客清陰滿北窓

黃塵行客汗如漿
少住儂家嗽井香
借與門前盤石坐
柳陰亭午正風涼

千頃芙蓉放掉嬉
花深迷路晚忘歸
家人暗識船行處
時有鷺忙小鴨飛

采菱辛苦廢犁鉏
血指流丹鬼質枯
無力買田聊種水
近來湖面亦收租

蝴蝶千萬沸斜陽
蛙黽無邊聒夜長
不把癡聾相對治
夢魂爭得到蓊床

右夏日田園雜興十二絕

杞菊垂珠滴露紅
雨蛩相應語莎叢
蟲絲冒盡黃葵葉
寂歷高花側晚風

朱門乞巧沸歡聲
田舍黃昏靜掩扃
男解牽牛女能織
不須邀福渡河星

橘蠹如蠶入化機
枝間垂繭似蓑衣
忽然蛻作穿花蝶
翅粉纔乾便學飛

靜看簷蛛結網低
無端妨礙小蟲飛
蜻蜓倒挂蜂兒窘

催喚山童為解圍

垂成穡事苦艱難
忌雨嫌風更怯寒
牋訴天公休掠剩
半償私債半輸官

秋來只怕雨垂垂
甲子無雲萬事宜
穫稻畢工隨曬穀
直須晴到入倉時

中秋晴景屬潛夫
棹入空明看太湖
身外水天銀一色
城中有此月明無

新築場泥鏡面平
家家打稻趁霜晴
笑歌聲裏輕雷動

一夜連枷響到明

租船滿載候開倉粒粒如珠白似霜不惜兩鍾輸一斛
尚羸糠覈飽兒郎

菽粟瓶罌貯滿家天教將醉作生涯不知新滴堪筭未
今歲重陽有菊花

細搗棖虀有鱠魚西風吹上四腮鱸雪鬆酥膩干絲縷
除却松江到處無

新霜徹曉報秋深染盡青林作緜林惟有橘園風景異

碧叢叢裏萬黃金

右秋日由園雜興十二絕

斜日低山片月高
睡餘行樂繞江郊
霜風掃盡千林葉
閒倚筇枝數鶴巢

炙背簷前日似烘
暖醺醺後困蒙蒙
過門走馬何官職
側帽籠鞭戰北風

屋上添高一把茅
密泥房壁似僧寮
從教屋外陰風吼
卧聽籬頭響玉簫

松節燃膏當燭籠凝煙如墨暗房櫳曉來拭淨南牕紙
便覺斜陽一倍紅

乾高寅缺築牛宮卮酒豚蹄酹土公牯犉無瘟犢兒長
明年添種越城東

放船開看雪山晴風定竒寒晚更凝坐聽一篙珠玉碎
不知湖面已成冰

撥雪挑來踏地菘味如蜜藕更肥醲朱門肉食無風味
只作尋常菜把供

楮杜無煙雪夜長地爐煨酒暖如湯莫嘆老婦無盤飴
笑指灰中芋栗香

煮酒春前臘後蒸一年長饗甕頭清塵居何似山居樂
秫米新來禁入城

黃紙蠲租白紙催皂衣旁午下鄉來長官頭腦冬烘甚
乞汝青銅買酒迴

探梅公子款柴門枝北枝南總未春忽見小桃紅似錦
卻疑儂是武陵人

村巷冬年見俗情
鄰翁講禮拜柴荆
長衫布縷如霜雪
云是家機自織成

石冬日田園雜興十二絕

自晨至午起居飲食皆以牆外人物之聲為節戲
書四絕

巷南敲板報殘更
街北彈絲行誦經
已被兩人驚夢斷
誰家風鶴關鳴鈴

菜市喧時窓透明
餅師叫後藥煎成
閒居日出都無事

惟有開門掃地聲

北砦教回撾鼓遠東禪飯熟打鐘頻
小童三喚先生起
日滿東牕煖似春

起傍東窓手把書
華顛種種不經梳
朝餐欲倒須巾裹
已有重來晚市魚

閭門初泛二十四韻

新修小舫因病禳
被屯滯遂至北城
迤邐到楓橋一
路而還

好在馳煙路平生載酒行
推藏身久病契濶歲頻更
昨夜燈花曉今朝稻把晴
出門新夢境獨目舊詩情
水遠推篷眩天寬倚柂驚
轉灣添絳挽卷岸併篙撐
舫後裝兒女艫前酌弟兄
醅香新麴嫩茗味小春輕
紅皺分霜果黃薦撚夕英
纈林疎露屋朱閣靜臨城
枕塢論今昔楓橋管送迎
山腰樵擔動木末酒旗明
竟日窰煙直中流塔影橫
數帆殘照滿一笛暮江平
曬網楓邊桁牽罾柳際棚
岫雲縈石住田水穴堤鳴
過渡牛歸速穿籬犬

吠獍魚寒猶作陣雁遠更聞聲急櫓潮痕出疎鐘暝色
生鄰翁欣問訊逋客愧寒盟一昨成歸卧于今負耦耕
生涯都塌颯心曲漫崢嶸猿鶴休多怨菰蓴尚可羹藥
囊吾厭苦扶僂且班荆

重陽後菊花二首

寂寞東籬濕露華依前金靨照泥沙世情兒女無高韻
只看重陽一日花

過了登高菊尚新酒徒詩客斷知聞恰如退士垂車後

勢利交親不到門

丁未春日瓶中梅殊未開二首

煖閣無人到寒枝為我橫
情鍾吹葢破靜極覺香生
老去竟休斷春來眼且明
逃禪時索笑百匝傍窗行
夜雪臘前凍朝陽春後蘇
人憐疎蕊瘦花笑病翁臞
露白能多少尋春似有無
詩催全不力煮水換銅壺

題夫差廟

縱敵稽山禍已胎
垂涎上國更荒哉
不知養虎自遺患

只道求魚無後灾
夢見梧桐生後圃
眼看麋鹿上高臺
千齡只有忠臣恨
化作濤江雪浪堆

翻襪菴夜坐聞雨

閉門冷落靜無譁
小閣簾幃密自遮
日晚課程丹竈火
夜深光景佛燈花
人生寧有病連歲
身世畧如僧在家
步屨尋春非老伴
任教風雨喚雷車

睡起

憨憨與世共兒嬉
兀兀從人笑我癡
閒裏事忙晴曬藥

靜中機動夜爭棋，心情書卷無佳句。時節梅花有好枝，
熟睡覺來何所欠。檀根香軟飯流匙。

賞海棠二絕

芳春隨分到貧家，兒女多情惜歲華。聊為海棠修故事，
去年燈燭去年花。

憶向宣華夜倚欄，花光妍暖月光寒。如今塌颯嫌風露，
且只銅瓶滿插看。

午窓遣興家人謀過石湖

雲日初收破柱雷
小窓坐穩興悠哉
熏爐花氣朝醒解
茶鼎松風午夢迴
謝客門闌風動竹
惜春時節雨肥梅
畫船破浪亦一快
聞道湖光如撥醅

將至石湖道中書事

水綠鷗邊漲
天青雁外晴
柳堤隨草遠
麥隴帶桑平
白道吳新郭
蒼煙越故城
稍聞鷄犬鬧
僮僕想來迎

三月十六日石湖書事三首

春事日以闌
暑陰正清美
拖筇入林下
秀綠照衣袂
蘆

橘梅子黃櫻桃桑椹紫荷依浪花顛筍破苔色起風日
收宿陰物色有新意鄰曲知我歸爭來問何似病腦今
有無加飯日能幾掀髯謝父老衰雪已如此

種木二十年手開南野荒苒苒新歲月依依舊林塘汗
萊擅下濕苓蔚驕衆芳菱母尚能瘦竹孫如許長憶初
學圃時刀笠冒風霜今茲百不堪裹帽人扶將龍鍾數
能來猶勝兩相忘

湖光明可鑒山色淨如沐間心愜舊觀愁眼快奇矚依

然北窓下凝塵滿香簾訪我烏皮几拂我青氍褥荒哉
賦遠遊幸甚遂初服老紅餞餘春衆綠自幽馥好風吹
晚晴斜照入疎竹兀坐胎息勻不覺清夢熟

送遂寧何道士自潭湘歸蜀

書劒飄然席未溫火雲撲地暑煙昏山黃水濁湖南路
竹月荷風憶范村

再遊天平有懷舊事且得卓菴之處呈壽老

訪舊光陰二十年殘僧相對兩依然木蘭已老無花發

石竹依前有麝眠萬戶直須龜手藥一龕何用買山錢
從今半座須分我共說昏昏一覺禪

晚登木瀆小樓

萬象當樓黼黻張欄干一士立蒼茫雲堆不動山深碧
星出無多月淡黃宿鳥盡時猶數點歸鴻驚處更斜行
松陵政有鱸魚上安得長竿坐釣航

題米元暉吳興山水橫卷

道場山麓接何山影落苕溪浸碧瀾只欠荷花三十里

檣頭船上把漁竿

素羹

蘊芋凝酥敵少城
土箸割玉勝南京
合和二物歸藜糝
新法儂家骨董羹

除夜地爐書事

節物間門裏
人情老境中
雁聲凌急雨
燈影戰斜風
糟醕新醅白
柴錐軟火紅
家人愜夜話
我已困蒙茸

浮醕謂之

醕
檣

次韻虞子建見咍贖帶作醮

齋祠難著野衣冠，旋贖金章始見閒。
台架塵侵毳路暗，花書墨漬笏頭斑。
當年駟騎傳呼賜，此日村童拂拭還。
若比前廳荒驛舍，見存猶可一開顏。

兒女傳觀省見稀，病身聊復借光輝。
莫嫌憔悴沈腰瘦，且喜間關秦璧歸。
不是典來還酒債，亦非將去換蓑衣。
塵魚甌釜時相阨，微汝誰能為解圍。

顏橋道中

村村籬落總新修處處田疇盡有秋一段農家好風景
稻堆高出屋山頭

書事三絕

爨婢請淘酒米園丁催算花錢如許日生公事誰云窮
巷蕭然

日日處方候脈時時推筴禳灾門外誰無車轍醫生卜
叟猶來

簡子約同湖棹周郎許過田廬碧雲日暮空合多病故

人遂踈

親鄰招集強徃便歸

樂天漸老欲謀歡大似蒸砂不作團已覺笙歌無暖熱
仍嫌風月太清寒氣衰況復三而竭心賞猶于四者難
卻恐人嫌情太薄聊將花作霧中看

雪意方濃復作雨

擬看飛花陣翻成建水聲雨吾寧不識雪汝幾時成三
白從今卜千倉待此盈黃雲如有意青女莫無情

春朝早起

莫笑眠常早還憐起不遲
穠香溫夜氣小雨濕春姿
瘦比中年甚寒惟病骨知
羨渠兒女健統屋探南枝

詠懷自嘲

簷溜春猶凍門扉晚未開
退閒驚客至衰懶怕書來
日教澆竹朝朝遣探梅園
丁應竊笑猶自說心灰

早衰

早衰頭腦已冬烘
信拙心情似苦空
僚舊姓名多健忘

家人長短總佯聾一窓暖日暮聲裏四壁寒燈藥氣中
晚景只消如此過不堪拈出教兒童

習間

習間成懶懶成癡六用都藏縮似龜雪已許多猶不飲
梅今如此尚無詩間看猫暖眠羶褥靜聽獨寒叫竹籬
寂寞無人同此意時時惟有睡魔知

陰寒終日兀坐

東風微解綴簷冰仍喜朝來井水清臘淺得春全未暖

雪慳和雨最難晴
小窓日暖猶碁局
窮巷更深尚履聲
莫把摧頽嫌暮景
且將閒散替勞生

親戚小集

避濕違寒不出門
一冬未省正冠巾
月從雪後皆竒夜
天向梅邊有別春
秉燭登臨空話舊
擁爐情味莫懷新
榮華勢利輸人慣
贏得尊前現在身

睡覺

尋思斷夢半曾騰
漸見天窓紙瓦明
宿鳥噪羣穿竹去

縣前猶自打殘更

臘月村田樂府十首

并引

余歸石湖往來田家得歲暮十事採其語各賦一詩以識土風號村田樂府其一冬春行臘日春米為一歲計多聚杵臼盡臘中畢事藏之土瓦倉中經年不壞謂之冬春米其二燈市行風俗尤競上元一月前已賣燈謂之燈市價貴者數人聚博勝則得之喧盛不減燈市其三祭竈詞臘月二十四夜祀竈其說謂

竈神異日朝天白一歲事故前期禱之其四口數粥
行二十五日煮赤豆作糜暮夜闔家同饗云能解瘟
氣雖遠出未歸者亦留貯口分至襁褓小兒及僮僕
皆預故名口數粥豆粥本正月望日祭門故事流傳
為此其五爆竹行此他郡所同而吳中特盛惡鬼蓋
畏此聲古以歲朝而吳以二十五夜其六燒火盆行
爆竹之夕人家各又于門首燃薪滿盆無貧富皆爾
謂之相煖熱其七照田蠶詞與燒火盆同日村落則

以禿帚若麻蘸竹枝葦燃火炬縛長竿之杪以照田
爛然徧野以祈絲穀其八分歲詞除夜祭其先竣事
長幼聚飲祝頌而散謂之分歲其九賣癡貳詞分歲
罷小兒繞街呼叫云賣汝癡賣汝貳世傳吳人多貳
故兒輩諱之欲賈其餘益可笑其十打灰堆詞除夜
將曉鷄且鳴婢獲持杖擊糞壤致詞以祈利市謂之
打灰堆此本彭蠡清洪君廟中打如願故事惟吳下
至今不廢云

冬春行

臘中儲書百事利第一先春年計米羣呼步碓滿門庭
運杵成風雷動地篩勻箕健無糶糠百斛只費三日忙
齊頭圓潔箭子長隔羅輝日雪生光土倉瓦龕分蓋藏
不蠹不腐常新香去年薄收飯不足今年頓頓炊白玉
春耕有種夏有糧接到明年秋刈熟鄰叟來觀還嘆嗟
貧人一飯不可賒官租私債紛如麻有米冬春能幾家

燈市行

吳臺今古繁華地偏愛元宵影燈戲春前臘後天好晴
已向街頭作燈市疊玉千絲類鬼工剪羅萬眼人力窮
兩品爭先最先出不待三五迎東風兒童種麥荷鉏倦
偷閒也向城中看酒壚博塞雜歌呼夜夜長如正月半
灾傷不及什之三歲寒民氣如春酣儂家亦幸荒年少
始覺城中燈市好

祭竈詞

古傳臘月二十四竈君朝天欲言事雲車風馬少留連

家有杯盤豐典祀猪首爛熟雙魚鮮豆砂甘鬆粉餅圓
男兒酌獻女兒避酌酒燒錢竈君喜婢子鬪爭君莫聞
猫狗觸穢君莫嗔送君醉飽歸天門杓長杓短勿復云
乞取利市歸來分

口數粥行

家家臘月二十五浙米如珠和豆煮大杓捺鐺分口數
疫鬼聞香走無處鏤薑屑桂澆蔗糖滑甘無比勝黃粱
全家團樂罷晚飯在遠行人亦留分襁中孩子強教嘗

餘波溥霑獲與臧新元叶氣調玉燭天行已過來萬福
物無疵厲年穀熟長向臘殘分豆粥

爆竹行

歲朝爆竹傳自昔吳儂政用前五日食殘豆粥掃罷塵
截筒五尺煨以薪節間汗流火力透健僕取將仍疾走
兒童却立避其鋒當堦擊地雷霆吼一聲兩聲百鬼驚
三聲四聲鬼巢傾十聲連百神道寧八方上下皆和平
卻拾焦頭疊床底猶有餘威可驅厲屏除藥物添酒杯

盡日嬉游夜濃睡

燒火盆行

春前五日初更後排門然火如晴晝
大家薪乾勝豆豉
小家帶葉燒生柴青煙滿城天半白
棲鳥驚飛啼格磔
兒孫圍坐鷄犬忙鄰曲歡笑遙相望
黃宮氣應纔兩月
歲陰猶嬌風慄烈將迎陽令作好春
政要火盆生暖熱

照田蠶行

鄉村臘月二十五長竿然炬照南畝
近似雲開森列星

遠如風起飄流螢今春雨電繭絲少秋日雷鳴稻堆小
儂家今夜火最明的知新歲田蠶好夜闌風熾西復東
此占最吉餘難同不惟糸賤穀芄芄仍更苧麻無節菜
無蟲

分歲詞

質明奉祠今古同吳儂用昏蓋土風禮成廢徹夜未艾
飲福之餘即分歲地爐火軟蒼朮香飭盤果餌如蜂房
就中脆餕專節物四坐齒頰鏘冰霜小兒但喜新年至

頭角長成添意氣老翁把杯心茫然增年及爾減吾年
荆釵勸酒仍祝願願翁尊前且強健君看今歲舊交親
大有人無此杯分老翁飲罷笑撫鬚明朝重來醉屠蘇

賣癡貳詞

除夕更闌人不寐厭禳滯鈍迎新歲小兒呼叫走長街
云有癡貳名人買二物于人誰獨無就中吳儂乃有餘
巷南巷北賣不得相逢大笑相挪揄櫟翁塊坐重簾下
獨要買添令問價兒云翁買不須錢奉賒癡貳千百年

打灰堆詞

除夜將闌曉星爛糞掃堆頭打如願杖敲灰起飛撲籬
不嫌灰泥新節衣老媪當前再三祝只要我家長富足
輕舟出商重船歸大犢引犢鷄哺兒野繭可練麥兩歧
短衲換却長衫衣當年婢子挽不住有耳猶能聞我語
但如我願不汝呼一任汝歸彭蠡湖

讀白傅洛中老病後詩戲書

樂天號達道晚境猶作惡陶寫賴歌酒意象頗沈著謂

言老將至不飲何時樂未能忘暖熱要是怕冷落我老
乃多戒頗似僧律縛間心灰不然壯氣鼓難作豈惟背
聲塵亦自屏杯酌日課數行書生經一囊藥若使白公
見應譏太蕭索當否竟何如我友試商畧

淨慈顯老為衆行化且示余所寫真戲題五絕就

作畫贊

孤雲野鶴本無求剛被差充粥飯頭擔負一筭牙齒債
鐘鳴鼓響幾時休

冒雪敲冰乞米迴齋堂如海鉢單開衆中若有知恩者
一粒何曾齧破來

千里驅馳出為人顏容消瘦老于真食輪轉後無餘事
莫學諸方轉法輪

何時平地起浮圖化得冬糧但付厨推倒禪床并拄杖
饑來喫飯看西湖

殿中泥佛已丹青堂上禪師也畫成笑我形骸枯木樣
無禪無佛太粗生

喜收知舊書復畏答書二絕

故人寥落似晨星
珍重書來問死生
筆意不如當日健
鬢邊應也雪千莖

強裁尺素答相思
兩目眵昏腕力疲
牽率老夫今至此
門前猶說報書遲

重陽不見菊

冷蘂蕭疎蝶懶飛
商量何日是花時
重陽過後開無害
只恐先生不賦詩

謝江東漕使楊廷秀祕監送江東集并索近詩二首
遠道悠悠日暮雲愁眉今夕為君軒殘燈獨照江東集
短夢相尋白下門即事想多梅蕊句有誰堪共桂花尊
斯文賴有斯人在會合何時得細論

禿翁衰雪涕垂頤鬢髻三生懶散師
浹髓淪膚都是病
傾困倒廩更無詩
笑看筆格網絲徧
間數窓檣花影移
事業光陰今若此
故人休說舊襟期

范村雪後

習氣猶餘燼鍾情未濕灰
忍寒貪看雪諱老強尋梅
慰貼愁眉展勾般笑口開
直疑身健在時有句飛來

廛居久不見山或勸作小樓以助登覽又力不能
辦今年益衰此興亦闌矣

結廬占城市初起卜云吉謁醫并治庖二事便衰疾乘
除徐自笑翻覺此計失經年不見山無異處暗室平生
痼煙霞歲晚成俗物安得百尺樓屋上高突兀列岫擁
青來爽氣助佔畢嘗試與匠謀工費蝟毛出俸餘強弩

末家事空囊澁經營十年餘高興竟蕭瑟人生不如意
十事常六七身今況遲暮長算屈短日縱成此段奇髮
白何由漆且學高山翁彎跽蟄霜橘

新歲書懷

門閨知閒好窓晴與睡宜歲華書戶筆年例探梅詩看
長棋三著量添飯兩匙豁除身外事未是苦衰遲

閏月四日石湖衆芳爛熳

北垞南岡總是家兒童隨逐任驩譁開嘗臘尾蒸來酒

點數春頭接過花盡把園林蒙錦綉多添門戶鎖煙霞
杖藜想被東風笑扶却衰翁管物華

檢校石湖新田

今朝南野試開荒分手耘鋤草棘場下地若干全種秫
高原無幾謾栽桑蘆芽碧處重增岸梅子黃時早濬塘
田里只知溫飽事從今拌却半年忙

連夕大風凌寒梅已零落殆盡三絕

枝南枝北玉初勻半夜顛風捲作塵春夢都無三日好

一冬忙殺探梅人

玉雪飄零賤似泥
惜花還記賞花時
賞花不許輕攀折
只許家人戴一枝


花開長恐賞花遲
花落何曾報我知
人自多情春不管
強顏猶作送春詩

夢覺作

年增氣血減藥密
飲食稀氣象不堪說
頭顱從可知忽
作少年夢嬌癡
逐兒嬉覺來一惘然
形骸乃爾衰
夢中

觀河見只似三歲時方悟夢良是却疑夢為非

宋詩鈔卷六十三



總校官庶吉士臣張能照
校對官庶吉士臣陳崇本
騰錄監生臣衛子忠

欽定四庫全書薈要

集部

宋詩鈔卷六十四

詳校官候選知縣臣吳國華



欽定四庫全書薈要卷二萬三百十七

宋詩鈔卷六十四

內閣中書舍人吳之振編

陸游劔南詩鈔一

游字務觀越州山陰人十二能詩文蔭補登仕郎鎖

廳薦送第一秦檜孫塤居次檜不說明年試禮部復
置游前列檜顯黜之繇是為所嫉檜死始赴寧德簿
以薦除敕令所刪定官孝宗初遷樞密院編脩編類



聖政所檢討官召見賜進士出身尋免去五為州別
駕西泝楚道范成大帥蜀為叅議官以文字交不拘
體法人譏其放因自號放翁後累遷與祠起知嚴州
再召見曰卿筆力回幹非他人可及同脩三朝國史
實錄陞寶章閣待制致仕封渭南伯卒年八十五詩
橐最多以居蜀久不能忘統署其橐曰劔南以見志
孝宗嘗問周必大曰今詩人亦有如唐李白者乎必
大以游對人因呼為小太白劉後村謂近歲詩人雜

博者堆隊仗空疎者窘材料出奇者費摻索縛律者
少變化惟放翁記問足以貫通力量足以驅使才思
足以發越氣魄足以陵暴南渡而下故當為一大宗
吾謂豈惟南渡雖全宋不多得也宋詩大半從少陵
分支故山谷云天下幾人學杜甫誰得其皮與其骨
若放翁者不寧皮骨蓋得其心矣所謂愛君憂國之
誠見乎辭者每飯不忘故其詩浩瀚率律自有神合
嗚呼此其所以為大宗也與

寄酬曾學士學宛陵先生體比得書云所寓廣教
僧舍有陸子泉每對之輒奉懷

庭中下午鵲門外傳遠書小印紅屈蟠兩端黃蠟塗開
絨展矮紙滑細疑卵膚首言勞良苦後問逮妻孥中間
勉以仕語意極勤渠字如老瘠竹墨淡行疎疎詩如古
鼎篆可愛不可摹快讀醒人意垢癢逢爬梳細讀味益
長炙轂出膏腴行吟坐卧看廢食至日晡想見落筆時
萬象聽指呼亦知題詩處綠井石髮麤公閒計有客煎

茶置風爐倘公無客時濯纓亦足娛井名本季疵思人
理豈無居然及賤子媿謝恩意殊幾時得從公舊學鋤
荒蕪古文講聲形誤字辨魯魚時時酌井泉露芽奉瓊
盃不知公許否因風報何如

新夏感事

百花過盡綠陰成漠漠爐香睡晚晴病起兼旬疎把酒
山深四月始聞鶯近傳下詔通言路已卜餘年見太平
聖主不忘初政美小儒唯有涕縱橫

寄陳魯山

陳時調
官都下

天下無虞國論深書生端合老山林平生力學所得處
政要如今不動心舊友幾年猶短褐謫官萬里少來音
願公思此寬羈旅靜勝炎曦豈易侵

出縣

凶凶薄領不堪論出宿聊寬久客魂稻壠牛行泥活活
埜塘橋壞雨昏昏籬護藥纔通徑竹筧分泉自遍村
歸計未成留亦好愁腸不用遶吳門

東陽道中

風欹烏帽送輕寒
雨點春衫作碎斑
小吏知人當著句
先安筆硯對溪山

東陽觀醑醪

福州正月把離杯
已見醑醪壓架開
吳地春寒花漸晚
北歸一路摘香來

送杜起莘殿院出守遂寧

羽檄聯翩晝夜馳
臣憂顧不在邊陲
軍容地密寧當議

陛下恩深不忍欺白簡萬言幾慟哭青編一傳可前知
平生所學今無負未歎還鄉兩鬢絲

聞武均州報已復西京

白髮將軍亦壯哉西京昨夜捷書來皇圖本作千年計
天意從知一日回列聖仁恩深雨露中興赦令疾風雷
懸思寒食朝陵使驛路梨花處處開

喜小兒輩到行在

阿綱學書蚓滿幅阿繪學語鴛嚙木截竹作馬走不休

小車駕羊聲陸續書窗浣壁誰忍嗔嘯嘑也復可憐
却思戎馬飲江水敢道春風無戰塵傳聞寇棄兩京走
列城爭為朝廷守從今父子見太平花前飲水勿飲酒
送七兄赴揚州帥幕

初報邊烽照石頭旋聞戎馬集瓜洲諸公誰聽芻蕘策
吾輩空懷畎畝憂急雪打窗心共碎危樓望遠涕俱流
豈知今日淮南路亂絮飛花送客舟

村居

富貴功名不擬論且浮舴艋寄煙村生憎快馬隨鞭影
寧作癡人記劒痕樵牧相諳欲爭席几鄰漸熟約論婚
晨春夜績吾家舊正要遺風付子孫

盆池

門外江濤湧雪堆埋盆作沼亦何哉兒曹不解渠翁意
新脫風波嶮處來

次韻无咎別後見寄

平日盃行不解辭長亭况是送君時幾行零落僧窗字

何限流傳樂府詩歸思恰如重醞酒歡情略似欲殘棊
龍蛇飛動無由見坐媿文園屬思遲

詩米芾月乃
能和及故云

望江道中

吾道非邪來曠野江濤始此去何之起隨烏鵲初翻後
宿及牛羊欲下時風力漸添帆力健鶻聲常雜雁聲悲
晚來又入淮南路紅樹青山合有詩

去年余佐京口遇王嘉叟從張魏公督師過馬魏
公道免相嘉叟亦出守莆陽近辱書報魏公已

葵衡山感歎不已因用所遺拄頰亭詩韻奉寄
河亭挈手共徘徊萬事寧非有數哉黃閣相君三黜去
青雲萬事一麾來中原故老知誰在南嶽新丘共此哀
火冷夜窗聽急雪相思時取近書開

自詠示客

衰髮蕭蕭老郡丞洪州又看上元燈羞將枉直分尋尺
寧走東西就斗升吏進飽諳箝紙尾客來苦勸摸牀稜
歸裝漸理君知否笑指廬山古澗藤

廬山僧近寄
藤杖甚奇

上巳臨川道中

二月六夜春水生陸子初有臨川行溪深橋斷不得渡
城近卧聞吹角聲三月三日天氣新臨川道中愁殺人
纖纖女手桑葉綠漠漠客舍桐花春平生怕路如怕虎
幽居不省遊城府鶴軀苦瘦坐長饑龜息無聲惟默數
如今自憐還自笑斂版低心事年少儒冠未恨終自誤
刀筆最驚非素料五更歌枕一悽然夢裏扁舟水接天
紅蕖綠芰梅山下白堦朱樓禹廟邊

初夏道中

桑間甚熟麥齊腰
鶯語惺惺野雉驕
日薄人家晒蚕子
雨餘山客買魚苗
豐年隨處俱堪樂
行路終然不自聊
獨喜此身強健在
又搖團扇著絺蕉

上虞逆旅見舊題歲月感懷

昨艫為家東復西
今朝破曉下前溪
青山缺處日初上
孤店開時鶯亂啼
倦枕不成千里夢
壞牆間覓十年題
漆園做吏猶非達
物我區區豈足齊

夜聞松聲有感

清晨放船落星石大風吹颿如箭激回頭已失廬山雲
却上吳城觀落日夜深龍歸擘祠門入木數寸留爪痕
明朝就視心尚慄腥風卷地雷霆奔歸船買酒持自慰
性命平生驚屢戲固知神怒有定時波紋蹙作魚鱗細
如今衰病卧林垆霜覆茆簷月滿庭松聲驚破三更夢
猶作當時風浪聽

丙戌七月自京口移官豫章冒風濤
自星子解舟半日至吳城山小龍廟

送芮國器司業

往歲淮邊寇未歸諸生合疏論危機人材哀靡方當慮
士氣崢嶸未可非萬事不如公論久諸賢莫與衆心違
還朝此段宜先及豈獨遺經賴發揮

晚泊

半世無歸似轉蓬今年作夢到巴東身遊萬死一生地
路入千峰百嶂中鄰舫有時來乞火鼓祠無處不祈風
晚潮又泊淮南岸落日啼鴉戍堞空

雨中泊趙屯有感

歸燕羈鴻共斷魂
荻花楓葉泊孤村
風吹暗浪重添漚
雨送新寒半掩門
魚市人煙橫慘淡
龍祠簫鼓鬧黃昏
此身且健無餘恨
行路雖難莫更論

黃州

局促常悲類楚囚
遷流還歎學齊優
江聲不盡英雄恨
天意無私草木秋
萬里羈愁添白髮
一帆寒日過黃州
君看赤壁終陳跡
生子何須似仲謀

石首縣雨中繫舟戲作短歌

庚寅去吳西適楚秋晚孤舟泊江渚荒林月黑虎欲行
古道入稀鬼相語鬼語亦如人語悲楚國繁華非昔時
章華臺前小家住茆屋雨漏秋風吹悲哉秦人真虎狼
欺侮六國囚侯王亦知廢興古來有但恨不見秦先亡
開窗酌汝一盃酒等為亡國秦更醜驪山冢破已千年
至今過者無傷憐

初寒

船尾寒風不滿旗江邊鼓祠常掩扉行人畏虎少晨起

舟子捕魚多夜歸
茆葉翻翻帶宿雨
葦花漠漠弄斜暉
傷心到處聞砧杵
九月今年未授衣

水亭有懷

漁村把酒對丹楓
水驛憑軒送去鴻
道路半年行不到
江山萬里看無窮
故人草詔九天工
老子題詩三峽中
笑謂毛錐可無恨
書生處處與卿同

將離江陵

暮暮過渡頭
旦旦走隄工
舟人與關吏
見熟識顏狀
癡

頑久不去常恐遭誚讓昨日倒檣干今日聯百丈買新
備雨雪儲米滿瓶盞明當遂去此障袂先側望即今孟
冬月波濤幸非壯潦收出奇石霧卷見疊嶂地嶮多崎
嶇峽束少平曠從來樂山水臨老愈跌宕皇天憐其狂
擇地令自放山花白似雪江水綠於釀竹枝本楚些妙
句寄悽愴何當出清詩千古續遺唱

滄灘

百夫正謹助鳴鵞舟中對面不得語須臾人散寂無譁

惟聞百丈轉兩車嘔嘔啞啞車轉急舟人已在沙際立
霧斂蘆村落照紅雨餘漁舍炊煙溼故鄉回首已千山
上峽初經第一灘少年亦慕宦遊樂投老方知行路難

黃牛峽廟

三峽束江流崖谷互吐納黃牛不負重雲表恣蹴蹋吳
船與蜀舸有請神必會誰憐馬遭刑百歲創未合柂師
浪犇走烹彘陳酒榼紛然餽神餘羹肉爭噉嚙空庭多
落葉日暮聲颯颯竒文梁可辨高古篆籀雜村女賣秋

茶簪花髻鬟匝
襁兒著背
上帖妥若在榻
山寒雪欲下
虎出門早闔
我行忽至此
臨風久鳴喙

巴東令解白雲亭

寇公壯歲落巴蠻
得意孤亭縹緲間
常倚曲闌貪看水
不安四壁怕遮山
遺民雖盡猶能說
老令初來亦愛閒
正使官清貧至骨
未妨畱客聽潺潺

瞿唐行

四月欲盡五月來
峽中水漲何雄哉
浪花高飛暑路雪

灘石怒轉晴天雷千艘萬舸不敢過篙工柁師心膽破
人人拱手待勢衰誰敢輕行犯竒禍一朝時去不自由
山腹空有沙痕留君不見陸子歲莫來夔州瞿唐峽水
平如油

山寺

籃輿送客過江村小寺無人半掩門古佛負牆塵漠漠
孤燈照殿雨昏昏喜投禪榻聊尋夢嬾為啼猿更斷魂
要識人間盛衰理岸沙君看去年痕

峽漲時水高數十丈至冬乃盡落

寒食

峽雲烘日欲成霞
灑水生紋淺見沙
又向蠻方作寒食
強持卮酒對梨花
身如巢燕年年客
心羨游僧處處家
賴有春風能領略
一生相伴遍天涯

風雨中望峽口諸山奇甚戲作短歌

白鹽赤甲天下雄
拔地突兀摩蒼穹
凜然猛士撫長劍
空有豪健無雍容
不令氣象少滄瀟
常恨天地無全功
今朝忽悟始歎息
妙處元在煙雨中
太陰殺氣橫慘淡

元化變態含空濛正如竒材遇事見平日乃與常人同
安得朱樓高百尺看此疾雨吹橫風

久病灼艾後獨卧有感

白帝城高暮柝傳幽窗搔首意蕭然江邊雲溼初橫雁
牆下桐疎不庇蟬計出火攻傷老病卧聞鳶墮歎蠻煙
諸賢好試平戎策歛退無心競著鞭

小市

小市門前沙作隄杏花雖落不霑泥客心尚壯身先老

江水方東我獨西
楚軒窗仍汎掃
遠遊書劍亦提攜
子規應笑飄零慣
故傍茆簷盡意啼

蟠龍瀑布

遠望紛珠纓
近觀轉雷霆
人言水出奇
意使行人驚人
驚我何得定
非水之情
水亦有何情
因物以賦形
處高勢趨下
豈樂與石爭
退之亦隘人
強言不平
鳴古來賢
達士初亦願
躬耕意氣或
感激邂逅
成功名

馬上

殘年流轉似萍根
馬上傷春易斷魂
烘煥花無經日
漲深水過去年痕
迷行每問樵夫路
投宿時敲竹寺門
不信太平元有象
牛羊點點散煙村

鄰水延福寺早行

化蝶方酣枕聞鷄
又著鞭亂山徐吐日
積水遠生煙流
泊真衰矣登臨獨
惘然桃花應笑客
無酒到愁邊

酒偶
盡市

酌不
可飲

岳池農家

春深農家耕未足原頭叱叱雨黃犢泥融無塊水初渾
雨細有痕袂正綠綠袂分時風日美時平未有差科起
買花西舍喜成婚持酒東鄰賀生子誰言農家不入時
小姑畫得城中眉一雙素手無人識空村相喚看繅絲
農家農家樂復樂不比市朝爭奪惡宦游所得真幾何
我已三年廢東作

果州驛

驛前官路埃纍纍歎息何時送我歸池館鶯花春漸老

窗扉燈火夜相依，孤鷺怯舞愁窺鏡。
老馬貪行強受鞿，到處風塵常撲面。
豈惟京洛化人衣。

聞杜鵑戲作

半世羈游厭路歧，憑鞍日日數歸期。
勞君樹上叮嚀語，似勸飢人食肉糜。

老君洞

有石刻戴唐明皇幸蜀見老君於此

丹鳳樓頭語未終，崎嶇蜀道復相逢。
太清宮闕俱煨燼，豈亦南來避賊鋒。

簡章德茂

殊方邂逅豈無緣
世事多乖復悵然
造物無情吾輩老
古人不死此心傳
冷雲黯黯朝橫棧
紅葉蕭蕭夜滿船
箇裏約君同著句
不應輸與灞橋邊

太息

宿青山
鋪作

太息重太息
吾行無終極
冰霜迫殘歲
鳥獸號落日
秋砧滿孤村
枯葉擁破驛
白頭鄉萬里
墮此虎豹宅
道邊新食人
膏血染草棘
平生鐵石心
忘家思報國
即今冒

九死家國兩無益中原久喪亂志士淚橫臆切勿輕書
生上馬能擊賊

淒淒復淒淒山路窮攀躋僕病卧草間馬困聲酸嘶脫
兔截道犇窮狄上樹啼崩湍一何哀下落萬仞谿昏黑
投孤戍洗我衣上泥下愚不可遷大惑終身迷仕宦十
五年曾不飽糠粃客路少睡眠月白聞號鷄欲行且復
止虎來節葉低

閩中作

挽任征衣為濯塵閩州三釀絕芳醇鴛花舊識非生客
山水曾遊是故人遨樂無時冠巴蜀語音漸正帶咸秦
平生賸有尋梅債作意城南看小春

赴成都泛舟自三泉至益昌謀以明年下三峡

詩酒清狂二十年又摩病眼看西川心如老驥常千里
身似春蠶已再眠算雪烏奴停醉帽秋風白帝放歸船
飄零自是關天命錯被人呼作地仙

雪晴行益昌道中頗有春意

杜陵雁下歲將殘
足馬西遊雪擁關
顛顛敢忘雙闕路
淹遲遍看兩川山
春回柳眼梅鬚裏
愁在鞭絲帽影間
安得黃金成大藥
為人千載駐顏顏

綿州魏成縣驛有羅江東詩云芳草有情皆礙馬
好雲無處不遮樓
戲用其韻

老夫槩興忽西遊
遠跨秦吳萬里秋
尊酒登臨遍山寺
歌辭散落滿江樓
孤城木葉蕭蕭下
古驛灘聲瀼瀼流
未許詩人誇此地
茂林脩竹憶吾州

金定四庫全書
卷六十四
晚春書懷

老客天涯心尚孩，惜春直欲挽春回。
長繩縱繫斜陽住，右手難移故國來。
暑近蚊雷先隱鱗，雨前螿埴正崔嵬。
茹芝却粒終無術，萬事惟須付一盃。

晚登望雲

一出修門又十年，輩流多已珥金蟬。
哀如蠹葉秋先覺，愁似鰥魚夜不眠。
輦路疎槐迎駕處，苑城殘日泛湖天。
君恩未報身今老，徒倚危樓一泫然。

醉中感懷

早歲君王記姓名只今顛顛客邊城青衫猶是鷓行舊
白髮新從劍外生古戍旌旗秋慘淡高城刁斗夜分明
壯心未許全消盡醉聽檀槽出塞聲

晚雨

蕭瑟度橫塘霏微映繚牆壓低塵不動灑急土生香聲
入楸梧碎清分枕簟涼回頭忽陳迹簷角挂斜陽

社日

百穀登場酒滿卮
神林簫鼓晚清悲
蟬依疎柳長言處
燕委空巢大去時
幼學已忘那用忌

鄉俗小兒女社日忌習業

微聾

自樂不須醫

古謂社酒治聾

傷心故里雞豚集
父老逢迎正見

思

寒夜遣懷

臨觴本不飲
憂多自成醉
四方行萬里
不見埋憂地
憶昔入京都
寶馬搖香鬃
酣飲青樓夜
歌聲在半空
去日不可挽
華髮忽垂頰
娟娟峨眉月
相對作淒冷
月落照

空床不寐聽寒螿
早知憂隨人何用去故鄉

登樓

從來好境遍人間
無奈勞生自欠閒
江近時時吹白雨

樓高面面看青山
歌聲哀怨傳三峽
行色淒涼帶百蠻

嘉陽

近諸蠻

流落愛君心未已
夢魂猶綴紫宸班

西園

半掩朱門蘚徑斜
翠屏繡谷忽谿牙
高高下下天成景
密密疎疎自在花
江近夕陽迎宿鷺
林昏殘角促歸鴉

吾舟已繫津南岸
喚客猶能一笑譁

得韓无咎書寄使北時宴東都驛中所作小閣

大梁二月杏花開
錦衣公子寒傳來
桐陰滿地掃不得
金轡玲瓏上源驛
中槌畫鼓漢使作客彼作主
舞女不記宣和粧
廬兒盡能女真語
書來寄我宴時詩
歸鬢知添幾縷
絲有志未須深感慨
築城會據拂雲祠

唐中受降城

在拂雲祠

曉坐

低枕孤衾夜氣存披衣起坐默忘言
餅花力盡無風墮
爐火灰深到曉溫空橐時時聞鼠齧
小窗一一送鴉翻
悠然忽記幽居日下榻先開水際門

十二月初一日得梅一枝絕竒戲作長句今年於
是四賦此花矣

高標已壓萬花羣尚恐嬌春習氣存
月兔擣霜供換骨
湘娥鼓瑟為招魂孤城小驛初飛雪
斷角殘鐘半掩門
盡意端相終有恨夜寒皴玉倩誰溫

快晴

地濶天門斗柄回
今朝紅日遍池臺
新陽蘇醒春前柳
輕暖醫治雪後梅
瓦屋螺青披霧出
錦江鴨綠抱山來
衰翁也逐兒童喜
旋撥文書近酒盃

春愁曲

客話成
柳戲作

慮義至今三十餘
萬歲春愁歲歲常
相似外大瀛海環
九州無有一州無
此愁我願無愁但
歡樂朱顏綠鬢常
如昨金丹九轉徒
可聞玉兔千年空
擣藥蜀姬雙鬢媿

姹嬌醉看恐是海棠妖
世間無處無愁到底事
難過萬里橋

遊修覺寺

上盡蒼崖百級梯
詩囊香枕手親攜
山從飛鳥行邊出
天向平蕪盡處低
花落忽驚春事晚
樓高剩覺客魂迷
興闌掃榻禪房卧
清夢還應到剡溪

雨後集湖上

野水交流自滿畦
芳池新漲恰平堤
花藏密葉多時在

鷺占高枝盡日啼
繡袂寶羣催結束
金樽翠杓共提攜
白頭自喜能狂在
笑儼蠻牋落醉題

慈雲院東閣小憩

橫閣院東偏
翛然拂榻眠
香濃煙穗直
茶嫩乳花圓
巖倚團團桂
筒分細細泉
憑誰為題版
榜作小壺天

病後暑雨書懷

髮毛蕭颯疾初平
雲物輪囷氣未清
水漲小亭無路到
雨多幽草上牆生
窗昏頓減讐書課
屋老時聞墮瓦聲

止酒亡聊還自笑少年豪飲似長鯨

怡齋

東湖仲夏草樹荒屋古無人亭午涼萱房微呀不見日
筍籜自解時吹香野藤蟠屈入窗罅溼茵扶疎生屋梁
跨溝數椽最幽翳漲水及檻雨敗牆靜涵青蘋舞藻荇
閒立白鷺浮鴛鴦芙蓉雖瘦亦瀾漫照眼翠蓋遮紅粧
水紋珍簟欲卷却團團素扇嬾復將天風忽送瑤鈴語
喚覺清夢遊瀟湘

寓驛舍

予三至成都
皆館于是

閒坊古驛掩朱扉又憇空堂縱客衣
九萬里中鯤自化一千年外鶴仍歸
遠庭數竹饒新筍解帶量松長舊圍
惟有壁間詩句在暗塵殘墨兩依依

宴西樓

西樓遺迹尚豪雄錦繡笙簫在半空
萬里因循成久客一年容易又秋風
燭光低映珠簾麗酒暈徐添玉頰紅
歸路迎涼更堪愛摩訶池上月方中

江濱池醉歸馬工作

久住西州似宿緣
笙歌散裏著華顛
每嗟相見多生客
却憶初來尚少年
迎馬綠楊爭拂帽
滿街丹荔不論錢
浮生何處非羈旅
休問東吳萬里船

醉書

似聞有俸錢似仕無簿書
似長免事仕似屬非走趨
病能加餐飯老與酒不疎
婆娑東湖上幽曠足自娛
時時喚客醉小閣臨紅蕖
釣魚斫銀絲擘荔見玉膚
檀槽列

四十遺聲傳故都
豈惟豪兩川自足誇
東吳但恨詩不
進榛荒失耘鋤
何當掃纖艷傑作
追黃初

東園晚步

久客天涯憶故園
彊名官寺只衡門
秋桐蠹遍無全葉
古柳吹斜出半根
痛飲每思尊酒窄
微官空羨布衣尊
何時定下三巴去
思卧孤舟聽斷猿

太平花

花出劔南似桃四出千百色
駢葦成朵天聖中獻至京師
仁宗賜名太平花

扶牀踉蹌出京華
頭白車書未一家
宵旰至今勞聖主

淚痕空對太平花

秋色

一段淒涼傍酒盃
中年剩作楚囚哀
迢迢似伴明河出
慘慘如隨落照來
客路半生常淚眼
鄉關萬里更危臺
蓼汀荻浦江南岸
自入秋來夢幾回

秋聲

蕭騷拂樹過中庭
何處人間有此聲
漲水雨餘晨放闌
騎兵戰罷夜還營
聞憑曲几聽雖久
彊撫哀弦寫不成

暑退涼生若勿喜一年光景又崢嶸

龍眠畫馬

國家一從失西陸年年買馬西南夷瘴鄉所產非權奇

邊頭歲入幾番

一作數

皮崔嵬瘦骨帶火印離立欲不禁

風吹圉人太僕空列位龍媒汗血來何時李公太平官
京師立仗慣見渥洼姿斷縑歲久墨色暗逸氣尚若不
可羈賞奇好古自一癖感事憂國空餘悲嗚呼安得毛
骨若此三千足銜枚夜度桑乾磧

秋夜池上作

短髮颺颺病骨輕
臨池閒看露荷傾
月明何與浮雲事
正向圓時故故生

夜食炒粟有感

漏舍待朝朝
士往往食此

齒根浮動歎吾衰
山粟炮燔療夜飢
喚起少年京輦夢
和寧門外早朝時

晚登橫溪閣

樓鼓聲中日又斜
憑高愈覺在天涯
空桑客土生秋草

野渡虛舟集晚鴉瘴霧不開連六詔
俚歌相答帶三巴
故鄉可望應添淚莫恨雲山萬疊遮

犖确坡頭筇竹枝西臨村路立多時
賣蔬近市還家早
煮井人忙下麥遲

柴多鹽井秋冬
收薪茅寂急

病客情懷常怯酒山

城老景盡供詩晚來試問愁多少
只許高樓橫笛吹

自唐安徙家來和義出城迎之馬工作

身如林下僧處處常寄包家如梁上燕
歲歲旋作巢豈
惟人所憐顧影每自嘲眼看佳山水
不得結把茅造物

困豪傑如視餓虎哮要令出精神感激使叫喚頗思投
筆去走馬盤雲旆三更冒急雪大戰梁楚郊

花時遍遊諸家園

看花西陌復東阡曉露初乾日正妍走馬碧鷄坊裏去
市人喚作海棠顛

為愛名花抵死狂只愁風日損紅芳綠章夜奏通明殿
乞借春陰護海棠

翩翩馬上帽簷斜盡日尋春不到家偏愛張園好風景

半天高柳卧溪花

花陰掃地置清尊
爛醉歸時夜已分
欲睡未成欹倦枕
輪困帳底見紅雲

宣華無樹著啼鶯
惟有摩訶春水生
故老能言當日事
直將宮錦裏宮城

絲絲紅萼弄春柔
不似疎梅只慣愁
常恐夜寒花索寞
錦茵銀燭按涼州

春寒連日不出

海棠花入燕泥乾，梅子枝頭已帶酸。
老去嬾尋年少夢，春分不減社前寒。
著書敢望垂千載，嗜酒猶須隱一官。
正是閒時無客過，小庭斜日倚闌干。

馬上偶成

城南城北紫遊韁，盡日閒行看似忙。
刺水離離葛葉短，連村漠漠豆花香。
夕陽有信催殘角，春草無情上繚牆。
我亦人間倦遊者，長吟聊復愴興亡。

夜宴

酒浪搖春不受寒，燭花垂燼忽堆盤。
山川路邈人將老，絲管聲道夜向闌。
四海交朋更聚散，百年光景雜悲歡。
自憐病眼猶明在，更把名花半醉看。

是夕得范希元家晚海棠數枝繁麗

一城所無

錦亭

天公為我齒頰計，遣飫黃柑與丹荔。
又憐狂眼老更狂，令看廣陵芍藥蜀海棠。
周行萬里逐所樂，天公於我元不薄。
貴人不出長安城，寶帶華纓真汝縛。
樂哉今從石

湖公大度不計聾承聾夜宴新亭海棠底紅雲倒吸玻
璃鍾琵琶弦繁腰鼓急盤鳳舞衫香霧溼春醪凸盞燭
光搖素月中天花影立遊人如雲環玉帳詩未落紙先
傳唱此邦句律方一新鳳閣舍人今有樣

雨

映空初作繭絲微掠地俄成箭鏃飛紙帳光遲饒曉夢
銅鑪香潤覆春衣池魚鱗鱗隨溝出梁燕翩翩接翅歸
惟有落花吹不去數枝紅溼自相依

春殘

石鏡山前送落暉，春殘回首倍依依。
時平壯士無功老，鄉遠征人有夢歸。
首蒼苗侵官道合，蕪菁花入麥畦稀。
倦游自笑摧頽甚，誰記飛鷹醉打圍。

小飲房園

宦遊到處即忘家，况得閒身管物華。
疎索故人緣病酒，折除厚祿為看花。
泥新高棟初巢燕，萍匝荒池已集蛙。
斟酌人生要行樂，燈前起舞落烏紗。

卜居

歷盡人間行路難
老來要覓數年間
供家米少因添鶴
買宅錢多為見山
池面紋生風細細
花根土潤雨斑斑
借春乞火依鄰里
剩釀村醪約往還

小疾謝客

小疾深居不喚醫
逍遙更覺勝平時
癡人未害看周易
名士真須讀楚辭
綠徑風斜花片片
畫廊人靜雨絲絲
晚來頓覺清羸甚
自置篝爐煮粟糜

過野人家有感

縱轡江臯送夕暉誰家井臼映荆扉
隔籬犬吠窺人過

滿箔蠶飢待葉歸

吳人直謂桑曰葉

世態十年看爛熟
家山萬

里夢依稀躬耕本是英雄事
老死南陽未必非

間中偶題

楚澤巴山歲歲忙今年睡足向禪房
只知間味如茶永不放羈愁似草長
架上漢書那復看牀頭周易亦相忘
客來拈起清談麈且破西窗半篆香

久矣雲衢斂羽翰退飛更覺一枝安
七千里外新聞客
十五年前舊史官
花底清歌春載酒
江邊明月夜投竿
癡頑直為多更事
莫怪習懷抵死寬

晚過五門

五門路四月乳鴉啼綠樹間遊但喜日初長
薄暑始知春已去樓頭風高舞雙旗
畫角聲中日還暮馬蹄特特無斷時
老盡行人路如故

月下醉題

黃鵠飛鳴未免飢此身自笑欲何之
閉門種菜英雄老
彈鋏思魚富貴遲
生擬入山隨李廣
死當穿冢近嬰離
一樽彊醉南樓月
感慨長吟恐過悲

和范待制秋興

策策桐飄已半空
啼螿漸覺近房櫳
一生不作牛衣泣
萬事從渠馬耳風
名姓已甘黃紙外
光陰全付綠尊中
門前剝啄誰相覓
貧我今年號放翁

睡臉餘痕印枕紋
秋衾微潤覆爐熏
井桐搖落先霜盡

衣杵淒涼帶月聞
佛屋紗燈明小像
經奩魚蠹蝕真文
身如病驥惟思卧
誰許能空萬馬羣

春愁

春愁茫茫塞天地
我行未到愁先至
滿眼如雲忽復生
尋人似瘧何由避
客來勸我飛觥籌
我笑謂客君罷休
醉自醉倒愁自愁
愁與酒如風馬牛

關山月

和戎詔下十五年
將軍不戰空臨邊
朱門沈沈按歌舞

廢馬肥死弓斷弦戍樓刁斗催落月三十從軍今白髮
笛裏誰知壯士心沙頭空照征人骨中原干戈古亦聞
豈有割據傳子孫遺民忍死望恢復幾處今宵垂淚痕

和范舍人書懷

歲月如轉不可遮即今楊柳已藏鴉客中常欠尊中酒
馬上時看檐上花末路淒涼老巴蜀少年豪舉動京華
天魔久矣先成佛多病維摩尚在家

幽居

殊方飄泊向誰論
小住僧廬亦所欣
得飽罷揮求米帖
愛眠新著毀茶文
摘鉢籃小竈清露
斲藥鉏輕帶溼雲
從此生涯足幽事
宦遊虛用半生勤

浣溪女

一作浣
花女

江頭女兒雙髻了
常隨阿母供桑麻
當戶夜織聲咿啞
地爐豆蘆煎土茶
長成嫁與東西家
柴門相對不上車
青裙竹笥何所嗟
挿髻煜煜牽牛花
城中妖妹臉如霞
爭嫁官人慕高華
青驪一出天之涯
年年傷春抱琵琶

悲秋

一拋藁笠雪溪舟八載涼州復益州
纔破繁華海棠夢又驚搖落井梧秋
曉班無復超行殿晚境惟思老寢丘
病肺經旬疎酒盞愁來惟是上南樓

雨中山行至松風亭忽澄霽

煙雨千峰擁髻鬟忽看青嶂白雲間
卷藏破墨營丘筆却展將軍著色山

秋興

成都城中秋夜長
燈籠蠟紙明空堂
高梧月白繞飛鵲
衰草露溼啼寒蟹
堂上書生讀書罷
欲眠未眠偏斷腸
起行百匝幾歎息
一夕綠髮成秋霜
中原歲月用新歷
邊人自擅著柘黃
滎河溫洛底處所
可使長作旃裘鄉
百金戰袍鵬鷲盤
三尺劍鋒霜雪寒
一朝出塞若試看
旦發寶鷄募長安

暇日行城上同行追不能及

疾步登城殊未衰
欣然一笑擲筇枝
正當閒似白鷗處

不減健如黃犢時秋野煙雲橫慘淡暮天樓閣倚參差
高吟醉舞忘歸去乞與丹青畫怪奇

江樓醉中作

淋漓百榼宴江樓秉燭揮毫氣尚遒天上但聞星玉潤
人間寧有地理憂王希李廣名飛將死慕劉伶贈醉侯
戲語佳人頻一笑錦城已是六年留

退之詩云起女
一笑三年留

曳策

遊房
園作

蔥竹蕭森拱廢臺醉歸曳策一徘徊紛紛落日牛羊下

黯黯長空霰雪來三峽猿催清淚落兩京梅傍戰塵開
客懷已是淒涼甚更聽城頭畫角哀

謁漢昭烈忠陵及諸葛公祠宇

雨止風益豪雪作雲不動淒涼漢陵廟衰草卧翁仲畫
妓空笙竽土馬闕羈鞚壤沃黃犢耕柏密幽鳥呀尚思
忠武公身任社稷重整整渭上營氣已無岐雍少須天
意定破賊寧患衆興亡信有數星隕事可痛陵邊四五
家茆竹居接棟手斲紙上箔

居民皆以
造紙為業

醅熟酒鳴甕雖

嗟生理微亦足逭飢凍劉葛固雄傑閱世均一夢論高
常近迂才大本難用九原不可作再拜臨風慟

遠遊

遠遊行復歲華新嬾學劉郎問大鈞一點不蒙稽古力
十分合作卧雲身苦寒與酒頓增價小雨為梅先辟塵
擬佩一壺江路去花邊醉墮白綸巾

簡譚德稱

幼輿骨相稱山巖自要閒遊不避讒錦里先生為老伴

玉霄散吏是頭銜探春苑路花簪帽看月江樓酒滿衫
惟恨題詩無逸氣媿君陣馬與風颿

閒意

柴門雖設不曾開為怕人行損綠苔妍日漸催春意動
好風時捲市聲來學經妻問生疎字嘗酒兒斟澂盃
安得小園寬半畝黃梅綠李一時栽

南定樓過急雨

行遍梁州到益州今年又作度瀘遊江山重複爭供眼

風雨縱橫亂入樓人語朱離逢洞獠棹歌歎乃下吳舟
天涯住穩歸心嬾登覽茫然却欲愁

漁翁

江頭漁家結茆廬青山當門畫不如江煙淡淡雨踈踈
老翁破浪行捕魚恨渠生來不讀書江山如此一句無
我亦哀遲慙筆力共對江山三歎息

龍興寺弔少陵先生寓居

中原州州失承平戍火邊塵到兩京扈蹕老臣身萬里

天寒來此聽江聲

以少陵詩考之蓋以秋冬間
寓此州也寺門聞江聲甚壯

楚城

江上荒城猿鳥悲
隔江便是屈原祠
一千五百年間事
只有灘聲似舊時

出遊

萬里崎嶇蜀道歸
荆州非復壯遊時
行吟自怪詩情減
坐睡人驚酒量衰
卷地風號雲夢澤
黏天艸映伏波祠
一枝藤杖平生事
擊鼓開帆未恨遲

初發荊州

淋漓牛酒起檣干，健鶻飛如挿羽翰。
破浪乘風千里快，開頭擊鼓萬人看。
鵲聲不斷朝陽出，旗脚微舒宿雨乾。
堪笑塵埃洛陽客，素衣如墨據征鞍。

泊公安縣

秦關蜀道何遼哉，公安渡頭今始回。
無窮江水與天接，不斷海風吹月來。
船窗簾捲螢火鬧，沙渚露下蘋花開。
少年許國忽衰老，心折柁樓長一作笛哀。

舟中偶書

老子西遊萬里回江行長夏亦佳哉
晝眠初起報茶熟宿酒半醒聞雨來
漢口船開催疊鼓淮南帆落亞高桅
四方本是丈夫事白首自憐心未灰

舟行蘄黃間雨霽得便風有感

天青雲白十分晴帆飽舟輕盡日行
江底魚龍貪晝睡淮南艸木借秋聲
好山縹緲何由住華髮蕭條只自驚
莫怪時人笑疎嬾宦情元不似詩情

六月十四日宿東林寺

看盡江湖千萬峰，不嫌雲夢芥吾胸。
戲招西塞山前月，來聽東林寺裏鐘。
遠客豈知今再到，老僧能記昔相逢。
虛窗熟睡誰驚覺，野碓無人夜自舂。

登賞心亭

蜀棧秦關歲月遒，今年棄興却東遊。
全家穩下黃牛峽，半醉來尋白鷺洲。
黯黯江雲瓜步雨，蕭蕭木葉石城秋。
孤臣老抱憂時意，欲請遷都涕已流。

將至京口

卧聽金山古寺鐘
三巴昨夢已成空
船頭坎坎回帆鼓
旗尾舒舒下水風
城角危樓晴靄碧
林間雙塔夕陽紅
銅瓶愁汲中湍水
不見茶山九十翁

項在京口嘗取中湍水寄曾文清公

沂谿

射的峰前禹廟東
短篷三扇卧哀翁
閒攜清聖濁賢酒
重試朝南算北風
水落痕畱紅蓼節
雨來聲滿綠蒲叢
衝煙莫作匆匆去
擬看溪丁下釣筒

歸雲門

萬里歸來值歲豐，解裝鄉墅樂無窮。
甌炊飽雨湖菱紫，篋絡迎霜野柿紅。
壞壁塵埃尋醉墨，孤燈餅餌對鄰翁。
微官行矣闕山去，又寄千巖夢想中。

題齋壁

葺得湖邊屋數椽，茆齋低小竹窗妍。
墟煙寂歷歸村路，山色蒼寒釀雪天。
性懶杯盤常偶爾，地偏鷄犬亦翛然。
早知栗里多幽事，虛走人間四十年。

吾廬

吾廬雖小亦佳哉新作柴門斲綠苔
拄杖每闌歸鶴入釣船時帶夕陽來
墟煙隔水霏霏合籬菊凌霜續續開
千里安期那可得笑呼鄰父共傳杯

自雲門之陶山肩輿者失道行亂山中有茅舍小
塘極幽邃求見主人不可意其隱者也

陂池幽處有茅堂井白蕭條草樹荒
小鴨怯波時聚散病蔬傷蠹半青黃
兒童衝雨收魚網婢子聞鐘上佛香

我亦算年思屏跡數椽何計得連牆

冬夜聽雨戲作

少年交友盡豪英妙理時時得細評
老去同參惟夜雨焚香卧聽畫簷聲

遶簷點滴如琴筑支枕幽齋聽始竒
憶在錦城歌吹海七年夜雨不曾知

梅花絕句

濯錦江邊憶舊遊纏頭百萬醉青樓
如今莫索梅花笑

古驛燈前各自愁

蜀王小苑舊池臺
江北江南萬樹梅
只怪朝來歌吹鬧

園官已報五分開

成都合江園蓋故蜀別苑梅最盛自初開監官日報府報至開五分則府

王未晏遊

人亦競集

探春歲歲在天涯
醉裏題詩字半斜
今日谿頭還小飲
冷官不禁看梅花

池館登臨雪半消
梅花與我兩無聊
青羊宮裏應如舊
腸斷春風萬里橋

客思

裘馬平生喜遠遊，算年顛顛向南州。
文書與睡中分日，衰病和愁總怕秋。
無復雪郊看射虎，但思煙浦聽呼牛。
還家誰道無餘俸，倒橐猶堪買釣舟。

初秋夢故山覺而有作

昔我東歸時，父老迎船頭。
開篷相勞苦，怪我領雪稠。
故山何負君，且作數月留。
豈知席未煖，疋馬來南州。
蠻花四時紅，瘴霧日夜浮。
歸哉不可遲，勿與婦子謀。

杜宇真吾交，勸去恨不迷。忠告輸肝肺，厚意均骨肉。陋
哉鷓鴣語，揣我貧念祿。竹雞更鄙淺，泥淖憂車軸。秋風
嚴瀨清，春雨戴溪綠。行矣勿復疑，照影巾一幅。

追感梁益舊遊有作

西遊萬里倚朱顏，肯放尊前一笑慳。蜀苑妓圍欺夜雪，
梁州獵火滿秋山。晚途忽墮塵埃裏，樂事渾疑夢寐間。
浮世變遷君勿歎，劇談猶是詫鄉關。

聞雁

過盡梅花把酒稀
熏籠香冷換春衣
秦關漢苑無消息
又在江南送雁歸

登擬峴臺

層臺縹緲壓城闌
倚杖來觀浩蕩春
放盡尊前千里目
洗空衣上十年塵
縈迴水抱中和氣
平遠山如醞藉人
更喜機心無復在
沙邊鷗鷺亦相親

雨中遣懷

病中草草度年華
睡起昏昏日易斜
抵死愁禁千斛酒

薄情雨送一城花鏡湖煙水搖朱舫錦里香塵走鈿車
此夢即今都打破不妨寂寞住天涯

三月二十一日作

蹴踘牆東一市譁鞦韆樓外兩旗斜及時小雨放桐葉
無賴餘寒開棟花明月吹笙思蜀苑軟塵騎馬夢京華
懽情減盡朱顏改節物催人只自嗟

五月十一日夜且半夢從大駕親征盡復漢唐故
地見城邑人物繁麗云西涼府也喜甚馬工作

長句未終篇而覺乃足成之

天寶戎兵陷兩京北庭安西無漢營五百年間置不問
聖主下詔初親征熊羆百萬從鑿駕故地不勞傳檄下
築城絕塞進新圖排仗行宮宣大赦岡巒極目漢山川
文書初用淳熙年駕前六軍錯錦繡秋風鼓角聲滿天
首宿峰前盡亭障平安火在交河工涼州女兒滿高樓
梳頭已學京都樣

長歌行

燕燕尾涎涎橫穿乞巧樓
低入吹笙院
鳴鳴觥
啜啜朝
浮杜若洲
算宿蘆花夾
嗟爾自適天地間
將儔命侶意
甚間我今獨何為
一笑乃爾慳
世上悲歡亦偶然
何時
爛醉錦江邊
人歸華表三千歲
春入瑩篴十四絃

送客城西

倦客憑鞍半醉醒
秋光滿眼歎頽齡
日斜野渡放船小
風急漁村攤網腥
客思不堪聞斷雁
詩情彊半在郵亭
歸來更恨城笳咽
烟火昏昏獨掩屏

休日

賜休暫許養衰殘
靜院翛然晝掩關
釀酒移花調護悶
弄琴洗硯破除閒
與人多忤讒消骨
報國無功愧滿顏
一寸歸心向誰說
小屏依約剡中山

新釀熟小酌索笑亭

新酒黃如脫殼鵝
小園持盞暫婆娑
文章不進技止此
仕宦忘歸人謂何
宿業簿書昏病眼
夢遊煙雨溼漁蓑
醉中笑向兒童說
白髮今年添幾多

豐城高安之間憩民家景趣幽邃為之慨然懷歸
數家聚雲根細路入叢薄濺濺石渠水來往一略約有
無鄰里通笑語父子樂濁醪時相就青蔬缺鹽酪日暮
歸閉門續火星煜爚先期畢租稅老不入城郭嗟予獨
何事早插紅塵脚故山未成歸悵望有餘怍

北窗

九陌黃塵早算忙幽人自愛北窗涼清吟微變舊詩律
細字閒鈔新酒方艸木扶疎春已去琴書蕭散日初長

破羌臨罷檣頤久又破銅匱半篆香

西村醉歸

俠氣崢嶸蓋九州一生常恥為身謀酒寧剩欠尋常債
劔不虛施細碎讎

見孟東野詩

岐路凋零白羽箭風霜破敝

黑貂裘佯狂自是英豪事村市歸來醉跨牛

醉中登避俗臺

半醉行歌上古臺脫巾散髮謝氛埃但知禮豈為我設
莫管客從何處來剡曲煙波菱蔓滑耶溪風露藕花開

老來世事渾成懶一櫂幽尋未擬回

病中夜興

病瘧秋來久未平
艸堂遙夜不勝清
疾風遞響驚林葉
列宿收芒避月明
百計不能逃白髮
一生堪笑役虛名
釣車且作桐江夢
莫念安西萬里行

霜天晚興

薄霜門巷不勝清
小立湖邊夕照明
紅顆帶芒收晚稻
綠苞和葉摘新橙
閒評琴價留僧話
靜聽松聲領鶴行

壯志消磨渾欲盡西風莫動玉關情

杜門

寂寞山深處崢嶸歲暮時燒灰除菜蝗

讀如橫
字去聲

送芋謝

牛醫寬水晨澆藥燈窗夜覆棋杜門君勿怪遲暮少新

知

忽忽

忽忽復悠悠頻驚歲月道若無船貯酒將奈斛量愁列

炬燕宮夜

成都故蜀時燕王宮今屬
張氏海棠為一城之冠

呼鷹漢廟秋

南鄭
漢高

帝廟予從戎
時多獵其下

凋年莫多感夢境付滄洲

冬夜不寐至四鼓起作此詩

秦吳萬里車轍遍重到故鄉如隔生歲晚酒邊身老大
夜闌枕畔書縱橫殘燈無焰穴鼠出槁葉有聲村犬行
八十將軍能破賊白頭吾欲事功名


高麗有識云當有
八十老將平之李

英公實

應足識



宋詩鈔卷六十四



總校官庶吉士臣張能照
校對官庶吉士臣陳崇本
騰錄監生臣王詔